


聖治准繩
卷之二

脾 有乳食 膈氣 口 痰涎
 吐瀉 宿食 津液少 心腹痞
 疳積 補虛 疝氣
 吐 傷寒 熱 積
 傷風 痰 挾 疝

武
82
82



門中
第 82
卷 52

問氏
奇症

問氏
奇症

幼科證治準繩集之七

金壇王肯堂字泰甫輯

脾

錢脾主困 實則困睡身熱飲水 虛則吐瀉生風
 脾病困睡泄瀉不思飲食 脾胃虛寒則面皸白
 目無精光口鼻氣冷肌體瘦弱吐水腹痛不思乳食
 用益黃散下利用調中丸 傷風手足冷者脾臟怯
 也先用益黃散補脾後用大青膏發散 脾病見四
 季皆放餘四臟治之順者易治逆者難治 脾怯當

脾部

幼科七

明
日
一
月
十
日

問氏
奇症

面赤白黃五臟相反隨證治之 潔脾主濕自病則
泄瀉多睡體重昏倦脾苦濕急食苦以燥之 實則
泄瀉赤黃睡不露睛瀉黃散主之 虛則泄瀉色白
睡露睛白朮散主之 肝乘脾賊邪風瀉而嘔茯苓
半夏湯主之 心乘脾虛邪壯熱體重而瀉羌活黃
芩蒼朮甘草湯主之 肺乘脾實邪能食不大便而
嘔吐嗽煎檳榔大黃湯下葶藶丸 腎乘脾微邪惡
寒泄瀉理中丸之類主之 劉凡脾之得病必察肝
心兩臟之虛實根其源之所起然後治療蓋肝是脾
之鬼心是脾之母肝氣盛則鬼勝心氣虧則脾家生

氣不足盛者抑之則退虧者益之不乏所以有抑脾
氣益心氣兩藥診其脉肝心兩臟俱和則是脾自至
疾察其虛實而治之 薛前證實者病氣實而形氣
虛也若面色晄白吐瀉腹痛口鼻氣冷屬寒水侮土
宜用益黃散若面青唇黯吐瀉手足並冷此脾土虛
寒用乾薑理中湯若面色痿黃手足不冷此脾土虛
弱用人參理中湯若傷風手足並冷吐痰咳嗽吐瀉
腹脹此脾肺氣虛用五味異功散實脾氣加防風升
麻散外邪若發於寅卯之時用六君柴胡升麻補脾
土平肝木然面黃者脾之本色也面赤者火生土為

順面青者木尅土為逆當平其所勝以補元氣為善

海脾苦濕急食苦以燥之白朮脾欲緩急食甘

以緩之甘草以甘補之人參以苦瀉之黃連

脾虛以甘草大棗之類補之如無他證以錢氏益黃

散補之虛則補其母心乃脾之母以炒鹽補心

益黃散錢氏又名補脾散治脾胃虛寒

陳橘皮壹兩青橘皮壹兩訶子肉

甘草各半兩丁香貳錢

右為細末每服二錢水一盞煎至六分食前溫服

東垣云閻孝忠編集錢氏方以益黃散補土又言

風旺必克脾土當先實其脾昧者不審脾中寒熱

一例用補脾藥又不審藥中有丁香青皮辛熱大

瀉肺金脾虛之證豈可反瀉其子為寒水反來侮

土中寒嘔吐腹痛瀉痢青白口鼻中氣冷益黃散

神治之藥也如因服熱藥巴豆之類過劑損其脾

胃或因暑天傷熱積熱損其脾胃而成吐瀉口鼻

中氣熱而成慢驚者不可服之今立一方治胃中

風熱名人參安胃散薛氏云脾土虛寒寒水侮

之如東垣所云諸證宜用此方若因脾土虛弱吐

瀉者用六君子湯加柴胡如不應或手足俱冷屬

虛寒也更加木香炮薑若因乳母脾虛肝侮必治以前藥若乳母鬱怒致兒患前證母服加味歸脾湯

人參安胃散 治脾胃虛熱

黃耆 貳錢

人參

陳皮 去白各壹錢

生甘草

炙甘草 各半錢

白芍藥 柒分

白茯苓 肆分

黃連 少許

右為麤末每服二錢水煎五沸去渣溫服

四君子湯

六君子湯 吐瀉二方見

海脾實以枳實瀉之如無他證以錢氏瀉黃散瀉之

實則瀉其子肺乃脾之子以桑白皮瀉肺

瀉黃散

錢氏

又名瀉脾散

藿香葉 柒錢

山梔子仁 壹兩

石膏 半兩

甘草 叁兩

防風 肆兩去蘆切焙

右剉同蜜酒微炒香為細末每服一錢至二錢水

一盞煎至五分溫服清汁無時

薛前證若作渴飲冷臥不露睛手足熱甚或遍身

發黃屬胃經實熱宜用瀉黃散若作渴飲湯臥而

露睛手足並冷屬胃經虛熱宜用異功散若面青

搐搦乳食少思肝乘脾也用秘旨補脾湯若面赤

用音
驚悸身熱昏睡心乘脾也用秘旨安神丸若面白
喘嗽肢體倦怠肺乘脾也用補中益氣湯若唇黑
泄瀉手足指冷腎乘脾也用益黃散病後津液不
足口乾作渴宜用七味白朮散若乳母膏粱厚味
七情鬱火所致當審其因而治其母

不乳食

薛經曰胃為水穀之海六腑之大源也人身氣血腑
臟俱由胃氣而生故東垣之法一以脾胃為主所謂
補腎不若補脾正此意也在小兒雖得乳食水穀之
氣未全尤仗胃氣胃氣一虛則四臟俱失所養矣故
丹溪謂小兒多肝脾之疾也若面色晄白目無睛光
口中氣冷不食吐水肌瘦腹痛此胃氣虛寒之證用
五味異功散或六君子湯主之若大便不實兼脾虛
也加乾薑溫之中滿不利脾不運也加木香開之喜

冷便秘胃實熱也用瀉黃散涼之命門火衰不能生
王者用八味丸補之稟賦胃氣不足亦用此丸蓋下
真陽充足則上生脾元自能溫蒸水穀矣
平胃散 治脾胃不和不思飲食心腹脹痛口苦短
氣惡心噯氣吞酸面黃體瘦嗜臥體痛霍亂吐瀉
等證

厚朴 薑汁 伍兩

陳皮

甘草 炙各 壹兩

蒼朮 米泔浸 焙捌兩

右為末每服二錢薑棗水煎沸湯點服亦得常服
調氣煖胃化宿食消痰飲辟四時不正之氣

愚按前證若乳食停滯噯腐吞酸嘔噦惡心者宜
服是方若飲食既消脾胃虛弱嘔吐惡心者則宜
四君子湯

調中丸 治脾胃虛寒

白朮

人參

甘草 炒各 伍分

八味地黃丸即六味地黃丸加肉桂附子各壹兩治
稟賦命門火衰不能生土以致脾土虛寒或飲食
少思及食而不化腹臍疼痛夜多漩溺等證內經
謂益火之源以消陰翳正此藥也

錢氏益黃散

三名補 脾散

治脾胃虛冷吐瀉

方見前

愚按前方若脾土虛寒或寒水侮土而嘔吐泄瀉
手足並冷或痰涎上湧睡而露睛不思乳食者宜
用此方若脾土虛弱吐瀉者用六君柴胡如不應
或手足俱冷者屬虛寒加木香炮薑若因乳母脾
虛肝侮亦治以前藥若乳母鬱怒致兒患前症者
其母兼服如味歸脾湯
參苓白朮散 主脾胃虛弱飲食不進多因少氣中
滿痞噫嘔吐逆此藥不寒不熱性味和平常服調
脾悅色願正去邪

人參 去蘆

白茯苓 去皮

粉草

白朮

白扁豆 炒去殼

山藥 去黑皮

縮砂仁

薏苡仁

桔梗 炒九味各壹兩

蓮子肉 去心

右剉焙為末每服半錢至一錢用棗湯空心調服
或溫米湯亦可

健脾飲 健脾養胃理嘔吐治瀉痢及諸病後氣色
虛弱有痰惡心腹中微痛飲食減精神慢並宜服
之

厚朴 去蘆皮剉碎薑汁浸一宿慢火炒
人參 去蘆各壹兩
白茯苓 去皮
肉豆蔻

半夏

湯煮透濾

益智仁

淨香附

良薑

剉片東壁土炒

訶子肉

各貳錢半

甘草

炙伍錢

右判每服一錢水一盞薑二片棗一枚煎七分無

時服

藿香飲

理虛化痰及治脾胃不和飲食少進正氣

除邪

人參

去蘆

半夏

湯煮透濾

赤茯苓

去皮

甘草

炙各壹兩

蒼朮

去蘆皮米泔水浸一宿濾乾剉片用天炒至微黃色

陳皮白

藿香

去梗各柒錢半

厚朴

去蘆皮製壹兩半

右件咬咀每服二錢水一盞薑二片棗一枚煎七分

分空心溫服或入燒鹽同煎

治小兒脾胃虛弱飲食少進

用人參白朮茯苓甘草等分爲末每服一錢鹽湯

點服一方加陳皮確砂

治胃虛氣逆吮乳不食

用人參壹錢丁香藿香葉各半錢水半盞煎熟入

乳汁少許煎服

治胃弱吐逆手足心熱不進乳食

用陳紅麴參錢半白朮壹錢半麩炒甘草炙壹錢

為末每服半錢棗湯米飲下

治脾胃不和嘔逆惡心乳食不進

用厚朴薑製壹錢白木半錢乾薑炮甘草炙各參分
分水一盞薑二片煎空心熱服

治宿食傷脾消食快膈

用確砂仁枳皮三稜莪朮神麩麥蘖各半兩香附子壹兩各炒為末麩糊丸如麻子大食後白湯下
隨大小加減丸數

茅先生勻氣散

桔梗 任兩

甘草 炙貳兩

白薑 壹分

確砂仁

陳橘皮

茴香

洗各壹兩

為末半錢或一錢霜木瓜煎湯調服紫蘇鹽湯亦

得寶童多厚朴蒼朮良薑桂烏梅名養脾湯

調理眾病醒脾散

木香

白朮

並濕紙畏煨

人參

茯苓

草菓子

甘草 炙

陳橘皮

厚朴

細砂水煮

紫蘇子

右等分為末一錢水六分薑一片棗半箇煎四分

通口服

建脾散

治小兒胃氣

白茯苓

去皮

人參

各壹兩

厚朴

參兩用薑汁炙

蒼朮

米泔浸一宿肆兩

陳橘皮

去白伍兩

甘草

貳兩半生半熟

草菓

去皮貳兩

右件為末每服一錢薑棗同煎隨大小分減服

調中飲子 治小兒諸疾

肉苳蔻

白木

炮

人參

陳橘皮

去白

訶子

炮去核

茴香

甘草

炙

硝砂仁

各半兩

藿香

桂心

檳榔

各錢

右為末每服半錢一錢用薑棗煎水隨兒大小五

分四分煎通口服

寶童壯脾去積進食

京三稜

蓬莪茂

醋紙裏煨

益智

去皮各肆兩

甘草

炙肆兩半

陳皮

青皮

各貳兩

右為末湯點一錢不時服薑棗煎亦得

治患後脾胃虛弱煩熱恍惚睡中多驚氣急煩亂温

養脾胃消進妳食勻氣清神調和臟腑神木散

聖惠白朮

味良

人參

茯苓

石蓮肉

去心

鷲粟米

白扁豆

藿香

炙

甘草

炙

等分細末半小錢棗湯調空心日午服漢東觀音散少白朮

粟米多神麴白芷木香黃耆

聖惠治脾胃不和見食欲嘔心胸壅悶前胡散

前胡

蘆根各叁分

桂心壹分

人參

白朮

赤茯苓

枇杷葉去毛炙

甘草炙

厚朴薑炙各半兩

麤羅一錢水一小盞薑少許煎五分不時量溫服

張渙集香煎治脾胃虛不欲食羸瘦

藿香葉

厚朴薑製

丁香

沉香

木香各壹兩

白茯苓

白荳蔻

白朮炮各半兩

右為細末入麝香壹錢水一升蜜半斤大棗二十

枚薑二十片銀石器中慢火熬成膏去薑棗通風

處陰乾每皂子大乳前米飲下

調中散治小兒冷熱不調致脾胃不和

木香剉

人參去蘆頭

青橘皮湯浸去白焙乾

各壹兩

丁香

白朮

白茯苓

大腹皮剉

甘草

右件搗羅為細末每服一錢水一小盞入生薑三

片煎五分去滓溫服

益胃丹

調冷熱和脾胃

當歸

洗焙

木香

沉香

各壹兩

白芍藥

白朮

去蘆

蓬莪茂

縮砂仁

各半兩

右件搗羅為細末白麩糊和如黍米大每服拾粒至拾伍粒點麝香湯下量兒大小加減

丁香黃耆散

治小兒脾胃虛弱不能飲食已漸傷損榮衛致令肌體羸瘦時時下痢面色青白

丁香

綿黃耆

剉

人參

去蘆

白朮

當歸

洗焙

鱉甲

塗酥炙黃去裙襴各

壹兩

胡黃連

甘草

炙各半兩

右件搗羅為細末每服壹錢水一盞入生薑二片

棗二枚同煎至五分去滓溫服食前

千金地黃丸

治胃氣不調不嗜食生肌肉

乾地黃

大黃

茯苓

杏仁

柴胡

當歸

右為末蜜丸如麻子每服五丸日三

嬰孺治三歲兒不食或嘔或頭熱或下利或渴或

手脚熱有時冷每日一劑便能食

鱉甲

當歸

甘草

升麻各貳錢半

椒伍拾粒汗

右切水一升煮八合為三服相去人行六七里再服覺身上潤衣蓋取汗微汗勿深

[Faded bleed-through text from the reverse side of the page]

脾弱多困

丹溪云脾具坤靜之德而有乾健之運夫胃陽也主氣脾陰也主血胃司納受脾司運化一納一運化生精氣清氣上升糟粕下降納五穀化津液其清者為榮濁者為衛陰陽得此謂之橐籥故東垣以脾胃為五臟之根本也脾氣既弱則健運之令不行化生之功已失職而嗜卧多困所由生焉法當溫補其脾脾氣既旺則臟腑清陽之氣升舉易於運行又何困倦之有海藏用四君子加木香砂仁半夏白朮倍之薑

脾弱多困

四君子

三

棗煎服誠良法也若脾虛好睡多驚則是心血虛而
火動之宜安神養血若因心脾氣虛有痰者宜用人
參五味子茯苓以補心氣當歸芍藥酸棗仁以養心
血橘紅半夏以開痰若因脾肺氣虛胸膈有痰用補
中益氣湯以健脾胃膽星天竺丸痰涎以化痰涎若
因飲食停滯而作用四君子湯以益脾土山查神麩
以消飲食若因脾虛而好睡用五味異功散吐瀉以
補脾氣當歸芍藥以生脾血芍藥須用酒拌炒黃不
則酸寒傷脾此假熱以對假寒也若乳母飲酒致兒
昏醉好睡者以乾薑陳皮煎湯解之不應用異功散

加乾葛即愈矣

海藏脾胃不和四君子加白朮一倍薑棗煎 脾困
四君子加木香砂仁人參各半錢煎 脾胃虛弱生
氣多困四君子加炒半夏麩沒石子等分爲末入冬
瓜子少許同煎

本治脾風多困用人參散入慢驚參用

人參

冬瓜仁各半兩

南星切片用漿水薑汁煮

壹兩

右爲細末每一錢右半盞煎一二三分溫服

本論脾胃不和... 凡小兒多涎者... 聖惠兒多涎者... 沫結實而生壯熱... 小兒多涎由脾氣不足... 不能四布津液而成若不治其本益中氣而徒去其痰涎痰涎雖病液亦元氣所附去之不已遂成虛脫余見驚搐壯熱等證醫以下痰小見功效屢下之而致夭亡者屢矣 錢氏治朱監簿子五歲夜發熱曉如故醫以鐵粉丸下涎病益甚至五日大引飲錢取白朮散瘧瘧壹兩煎三升任意服朱疑議瀉錢曰縱瀉勿恠

痰涎

聖惠兒多涎者風熱壅脾積聚成涎即乳食不下涎沫結實而生壯熱小兒多涎由脾氣不足不能四布津液而成若不治其本益中氣而徒去其痰涎痰涎雖病液亦元氣所附去之不已遂成虛脫余見驚搐壯熱等證醫以下痰小見功效屢下之而致夭亡者屢矣 錢氏治朱監簿子五歲夜發熱曉如故醫以鐵粉丸下涎病益甚至五日大引飲錢取白朮散瘧瘧壹兩煎三升任意服朱疑議瀉錢曰縱瀉勿恠

但不可下耳止瀉治痰退熱清神皆此藥也又煎三升服稍盡愈第三日又服三升不渴無涎投阿膠散喘嗽二服安

半夏丸 治痰證若驚搐後風涎潮作服之神效

半夏生用 貳兩 赤茯苓去皮 枳殼製各 壹兩

風化朴硝貳錢 半

右前三味剉焙為末入乳鉢同朴硝杵勻用生薑自然汁煮糯米粉為丸菜豆大每服三十九至五十九仍以淡薑湯食後臨睡送下兒小煮丸如粟穀大

白附丸 通治小兒咳嗽有痰感冒發熱吐瀉心神不安神效

南星貳兩 半夏 白附子

右為細末薑汁糊丸如桐子大一歲兒服八丸用

薄荷湯化下南星半夏用冬藏雪水於六月六日浸起曬乾又浸凡九次方用

膽星天竺丸 治小兒痰涎上壅喘嗽不寐

牛膽南星壹兩 半夏湯泡去皮 白附子湯泡去皮 天竺黃叁錢 天麻

防風各貳錢

辰砂壹錢另研水飛

右為末甘草膏為丸芡實大每服一丸空心薄荷淡薑湯化下

牛蒡子散 治小兒心脾壅熱多涎

牛蒡子 梔子仁 甘草

川硝 鬱金各半 枳殼壹分 麩炒

右件藥搗細羅為散入龍腦半錢同研令勻不計時候用薄荷水調下半錢量兒大小加減服之

萬全鬱金散 治小兒風熱鎮心壓涎

鬱金壹兩用皂角貳挺按水一碗以 馬牙硝 甘草炙各半兩

天竺黃 來慢煮鬱金令乾用承淨洗到

朱砂壹分 龍腦壹錢

右件藥搗羅為末都研令勻每服半錢用麥門冬熟水調下量兒大小以意加減服

小朱砂丸 治小兒眠睡多驚化風壅痰涎安神

朱砂壹兩 天南星牛膽內 人參

茯苓 珍珠研 半夏生薑半兩

麝香各少 龍腦同以水煮

右件同研勻以水浸蒸餅為丸如黍米大每服四五丸不計時候煎金銀湯下

夾証 力手二 十七

張煥治小兒多涎乳食不下涎不流出者乃名脾熱多涎宜金朱丹

朱砂細研水飛

半夏湯浸七遍

牛膽南星各壹兩

白茯苓半兩三味為末

石膏半兩細研水飛

金箔貳拾片研

右件都拌勻再細研用生薑自然汁和如黍米大每服十粒煎人參湯下乳後

譚氏金珠丸 治小兒驚悸心忪化涎痰利胸膈煩

熱止欬嗽

天南星炮

白礬煅

半夏湯浸

朱砂研細各半兩

人參

乾山藥各壹錢

膩粉貳錢

金箔拾片

右為細末薄荷汁同水打糊為丸如菘豆大金箔為衣每服一丸食後生薑湯下量力服

半夏丸 治小兒脾熱乳食不下胸膈多涎

半夏半分生薑湯洗七遍去滑

皂角子仁半兩

右件藥搗羅為末用生薑汁和丸如麻子大不計時候以溫水下三丸隨兒大小以意加減

劉氏消乳痰丸 此方出禁中小兒無疾亦宜常服

大半夏半兩切作頭子大用蘿蔔壹箇亦切作頭子大用水壹椀煮水盡為度不用蘿蔔

人參貳錢半取末貳錢

右二味焙乾同為細末生薑自然汁煮糊為丸如
菘豆大每服二十九或三十九生薑湯下食後服
看兒大小加減

吐瀉

曾小兒吐瀉併作即名霍亂有心痛而先吐者有腹
痛而先瀉者莫不由中焦而作上焦主納而不出中
焦主腐化水穀而生榮衛灌溉百骸下焦分別水穀
主出而不納脾居中州胃為水穀之海乳哺入胃脾
能尅化然後水穀分膈上一寸傳變得宜豈有吐瀉
之患凡小兒吐瀉皆因六氣未完六淫易侵兼以調
護失宜乳食不節遂使脾胃虛弱清濁相干蘊作而
然有先瀉而後吐者乃脾胃虛冷其候先瀉白水吐

亦不多，口氣緩而神色慢，額前有汗，六脈沉濡，此爲冷也。先吐而後瀉者，乃脾胃有熱氣，促唇紅，吐來面赤，脈紅而數，渴飲水漿，此爲熱也。冷熱之分，要須詳審。嘔吐瀉昏，睡露睛者，胃虛熱。錢氏白朮散和中散主之。吐瀉昏睡，不露睛者，胃實熱。錢氏玉露散、河間益元散主之。辟手足指冷者，脾氣虛寒，也用異功散加木香。傷風吐瀉者，風木尅脾土也，亦用前藥。若飲熱乳而瀉黃者，濕熱壅滯也，用四苓散。如不瘡或反甚者，元氣復傷也，用白朮散。瀉而腹中重墜者，脾氣下陷也，用補中益氣湯。若服尅滯

之劑而腹中窄狹者，脾氣虛痞也，用六君子湯。若面黃瀉青，脾虛而肝乘之也，用六君柴胡升麻木香。若多噫瀉黃，心脾氣虛也，用六君炮薑升麻。生下半年旬，白內吐者，止宜調治，其母恐嬰兒藏府脆弱，不勝藥餌故也。

夏秋治裏

錢小兒初生三日內吐瀉壯熱，不思乳食，

大便乳食不消，或白色，是傷寒當下之，併和胃下用白餅子，和胃用益黃散，脾主之。

兒生三日已上至十日吐瀉，身溫涼，不思乳食，大便青白色，乳食不消，此上實下虛也，更有五藏兼見證。

五月身
熱瀉黃
九分下
一分補

肺睡露睛喘氣 心驚悸飲水 脾困倦饒睡
肝呵欠煩悶 腎不語畏明 當先視兒兼藏證先
瀉其所實者而補其虛如脾虛益黃散主之此二證
多病於秋夏也

五月夏至後吐瀉身壯熱者此熱也蓋小兒藏府十
分中九分熱也或因傷熱乳食不消瀉深黃色玉露
散主之

玉露散方 一名甘露散

寒水石 半兩軟而微青
黑中有細紋者

生甘草 壹錢

石膏 半兩堅白而有墻壁手不可折者如無以
方解石代之堅白似石膏敲之段段皆方

六月身
瀉瀉黃
白色六
分補四
分下

右同為細末每服一字或五分一錢食後溫湯調
下海藏云非腎熱相火
大盛者不宜服此

六月大暑後吐瀉身大溫而似熱臟腑中六分熱四
分冷也吐嘔乳食不消瀉黃白色似渴或食乳或不
食乳食前少服益黃散食後多服玉露散 廣親官
五太尉病吐瀉不止米穀不化眾醫用溫藥一日而
加喘吐不定錢氏曰當以涼藥治之所以然者謂傷
熱在內也用石膏湯三服并服之眾醫皆言吐瀉多
而米穀又不化當補脾何以用涼藥王信眾醫皆用

七月瀉
身溫涼

補脾丁香散三服錢醫後至曰不可服此三日後必腹滿身熱飲水吐逆三日外果如所言所以然者謂六月熱甚伏入腹中而令引飲熱傷脾胃即大吐瀉也醫又行溫藥使上焦亦熱故喘而引飲三日當甚眾師不能治復召錢至見其熱證以白虎湯發熱三服更以白餅子下之一日減藥二分二日三日又與白虎湯各二服四日用石膏湯一服及旋合麥門冬黃芩腦子牛黃天竺黃茯苓以硃砂為衣服五九竹葉湯化下熱退而安

七月立秋後吐瀉身溫藏府中三分熱七分冷也不

三分下
七分神

能食乳多似睡悶亂哽氣長出氣睡露睛唇白多噦欲大便不渴食前多服益黃散食後少服玉露散廣親官七太尉七歲病吐瀉是時七月其證全不食而昏睡睡覺而悶亂哽氣乾嘔大便或有或無不渴眾醫作驚治之疑睡故也錢曰先補脾後退熱與史君子丸補脾石膏湯退熱次日又以水銀硫黃末研和以薑水調下壹字錢曰凡吐瀉五月內九分下而一分補八月內九分補而一分下此者是脾虛瀉醫妄治之至於虛損下之即死即當補脾若以史君子丸恐緩已又留溫胃益脾藥治之醫者李生曰何

八月身冷瀉青
一分下
九分補
下後不
愈隨證
用藥

食而噦錢曰脾虛津少即嘔逆曰何瀉青褐水曰腸胃至虛冷極故也錢治而愈

八月秋分後吐瀉身冷無陽也不能食乳乾嘔噦瀉青褐水當補脾益黃散主之不可下也

田凡小兒盛暑吐瀉邪熱在下焦則瀉在上焦則吐亡津必渴用玉露散雖吐時時與啜之過三日必愈

如身熱脉大小便黃用五苓益元各半熱湯調溫服之如身涼脉細小便青早晨益黃散午後玉露散

如過四五日困弱宜異功散和中散開胃丸瀼如有風而瀉用防風羌活謂吐瀉兼肝病風搖拘急也有熱

而瀉用黃連黃芩大黃謂吐瀉兼心有寒而瀉用

附子謂吐瀉兼腎病身冷或足脛寒而逆也有濕而瀉用白木茯苓謂吐瀉兼本藏脾病多睡體重昏倦也有肺病而瀉用芍藥桂心定

喘麥冬人參甚者多檳榔大便不通加大黃謂吐瀉兼肺病也更詳看病新舊新則止之久則有腸風之患

宜推陳致新法當宣風散痘發熱導過後用入藏君臣藥調之宜益黃散

曾有小兒盛夏初秋遇夜乘風渴而飲水過餐生冷果物攻激腸胃遂乃暴吐暴瀉傳作手足俱痺筋攣而痛痛則神志不寧以驚證治之誤矣所謂筋遇寒

土瀉夏秋冷裏

則引縮又以陽明養宗筋屬胃與大腸因內傷生冷
飲食外感風邪吐瀉交作胃氣因虛不能養其宗筋
亦致攣急此證口氣溫面色慘脉沉緩再以手按兩
膝腕下見筋縮而引於皮間是其候也治以理中湯
加附子半生半炮水薑熟煎空心溫服更詳虛實冷
熱為治可也 有數歲小兒忽患吐瀉始自夏秋晝
近極熱之地解衣乘涼夜卧當風之所致蓋先感熱
後感冷陰陽相搏氣射中焦名為霍亂活人書用香
薷散調治以其能分別水穀升降陰陽又曰熱多欲
飲水者五苓散寒多不飲水者理中丸詳此治法得

非欲平中焦乎 薛凡暑令吐瀉手足指熱作渴飲
冷者屬陽證宜清涼之劑手足指冷作渴飲熱者屬
陰證宜溫補之劑凡病屬陰證誤用寒涼者死則手
足青黯或徧身皆然

香薷飲 治夏秋臟腑冷熱不調飲食不節吐痢心
腹疼痛發熱煩悶

香薷

各兩

白扁豆

厚朴

各壹兩半

生甘草 二兩

右剉每服二錢水一盞煎服

車前子散 治暑月霍亂吐瀉煩悶引飲不止小便

不利

白茯苓

豬苓

香薷

車前子炒

人參各等分

右為末燈心湯調下

不換金正氣散 治脾胃不和寒熱往來臟腑虛熱

霍亂吐瀉

厚朴薑製

藿香

陳皮

半夏

蒼木米泔浸

甘草各等分

右每服二三錢薑棗水煎服

二順散 治中暑霍亂吐瀉煩悶燥渴小便赤澀便

血肚疼

豬苓

澤瀉

茯苓

白朮

甘草炙

官桂

乾薑

杏仁各壹兩去皮尖雙仁炒

右為末每服半錢不拘時水調下或水煎服

六和湯 治心脾不和氣不升降霍亂吐瀉咳嗽胸

滿頭自疼痛嗜卧倦怠并陰陽不分冒暑伏熱煩

悶成痢中酒作渴心逆畏食

人參去蘆

縮砂仁

甘草炙

杏仁泡去皮尖

半夏湯煮透到焙乾各壹兩

白扁豆炒熟去殼

斤碎切爛榨取汁
釀經一宿焙乾

赤茯苓

去皮

木瓜

各貳兩

香薷

藿香

厚朴

去龜皮薑製慢火焙乾各肆兩

右每服二錢水一盞薑一片棗一放煎七分無時

溫服或入鹽半字同煎

身溫瀉
黃白咳
嗽先表
後瀉

冬春治表錢傷寒吐瀉身溫乍涼乍熱睡多氣麤大便黃白色嘔吐乳食不消時咳嗽更有五藏兼見證當煎入臍君臣藥先服大青膏後服益黃散如先曾下或無下證慎不可下此乃脾肺受寒不能入脾也
潔古云身溫吐瀉咳嗽是風木入於脾母虛其子亦弱法當煎檳榔荳蔻湯下大青膏後服益黃散

身熱瀉
黃五渴
先止渴
後表

身涼瀉
青六瀉
先補後
表

傷風吐瀉身熱多睡能食乳飲水不止吐痰大便黃水此為胃虛熱渴吐瀉也當生胃中津液以止其渴止後用發散藥止渴多服白朮散發散大青膏主之
潔古云吐瀉身熱而渴小便使少者五苓散主之身熱而嘔者當服白朮散後煎檳榔木香湯下大青膏
傷風吐瀉身涼吐沫瀉青白色悶亂不渴噎氣長出氣睡露睛此傷風荏苒輕怯因成吐瀉當補脾後發散補脾益黃散發散大青膏主之此二證多病於春冬也
潔古云身涼吐瀉不渴者則知為寒煎附子桂枝湯下大青膏

天麻

末壹分

白附子

末生壹錢半

蝎尾

去毒生半錢

此為冬春治表

表不
者利
後補

朱砂研壹字七 青黛壹錢研 麝香壹字七 烏蛇稍肉酒浸焙乾取未半錢 天竺黃壹字七研
右同再研細生蜜和成膏每服半皂子大至一皂子大月中兒粳米大同牛黃膏温薄荷水化一處服之五歲已上同甘露散服之
小兒傷於風冷病吐瀉醫謂脾虛以温補之不已復以涼藥治之又不能散謂之本傷風醫者亂攻之因脾氣積虛內不能散外不能解至十餘日其證多睡露睛身温風在脾胃故大便不聚而為瀉當去脾間風風退則痢止宜風散主之後用史君子丸補其胃

亦有諸吐痢久不瘥者則脾虛生風而成慢驚矣
海吐瀉過多脾胃虛乏欲生風候者四君子加白附子減半生薑煎服
守胃散 治陰陽不和吐瀉不止預防風證常調脾胃進飲食

- 人參去蘆 白朮
- 山藥去黑皮 乾葛
- 南星剉碎瓦器或東壁土同醋煮小時濾乾切片焙 扁豆炒去殼
- 藿香去梗 防風去蘆 甘草
- 天麻各半兩

右劉每服二錢水一鍾薑二片冬瓜子仁五十粒

搗碎煎七分空心温服如瀉不止入沉香白豆蔻同煎

釣藤飲 治吐利脾胃氣虛生風

釣藤鈎 貳錢

蟬殼

天麻

防風

蝎尾 去毒

人參 各半

麻黃

殭蠶 炒

甘草 炙

川芎 各貳錢 伍分

麝香 伍分

右為末水煎服虛寒加附子壹錢

身熱瀉黃多渴為熱宜涼劑曾氏云先吐而後瀉者乃脾胃有熱氣促唇紅吐來面赤脉洪而數渴飲水

漿此為熱也錢氏以吐瀉身熱瀉黃多渴作熱病治在夏秋用玉露散益黃散相間服在春冬用白朮散大青膏相間服

錢氏玉露散 方見

李剛中治夏秋吐瀉

好黃連壹兩入號丹壹兩炒丹焦為細末麪糊丸

如芥子服二三十粒鹽土薑湯吞更量數服不妨

丹溪治小兒周歲吐乳腹瀉

白朮

滑石末 各叁錢

乾薑 壹錢

陳皮

甘草 各伍分

右為麤末煎服

肢冷瀉青不渴為寒宜溫藥曾氏云先瀉而後吐者乃脾胃虛冷其候先瀉白水或白凍吐亦不多口氣緩而神色慢額前有汗六脉沉濡此為冷也錢氏以吐瀉身涼瀉青不渴作寒病在秋以益黃散主之在冬春以益黃散大青膏相間服

海吐利四肢脹逆腦門低陷四君子加藿香丁香芍藥等分煎服

錢氏益黃散見脾

萬安膏見吐

世和胃丸 治吐瀉不止欲生慢驚

丁香

白朮各壹兩

半夏伍錢

藿香

蝎尾各壹錢

右為末薑汁打糊為丸如小豆大二歲兒二十九薑湯下

理中湯 主溫脾煖胃冷吐冷瀉及胎氣虛中寒腹痛

人參去蘆

白朮各壹兩

乾薑炮

粉草炙各貳錢半

右件剉焙為末每服半錢或一錢用溫白湯空心調服

理中丸 治吐利不止米穀不化手足厥冷

人參

白朮

乾薑

甘草各等分

右為末麩糊為丸菽豆大每服十九米飲下或一
二十九不拘時候

金液丹

治吐利日久脾胃虛損手足厥冷精神昏

塞多睡露睛口鼻氣涼欲成慢驚風又治大人陽
虛陰盛身冷脉微自汗吐利小便不禁

舶上硫黃

拾兩先飛煉去砂石秤研為末用砂
盒子盛分八分滿水和赤石脂鹽泥
固封曬乾露地先埋一二水確盛水滿坐盒子在
上又以泥固濟訖常以三斤火養三日三夜足

加頂火一斤
煨成冷取藥

右以柳木提乳鉢研為末每服一錢生薑米飲調
下多服取效大人藥末壹兩蒸餅壹兩水浸去水
餅和丸桐子大曬乾每服五十九至百九米飲空
心下

閻氏云吐瀉虛極當速生胃氣宜與理中丸併研
金液丹末煎生薑米飲調灌之惟多服乃效俟胃
氣已生手足漸熱然猶瘳瘳即減金液丹一二分
增青州白丸子一二分同研如上服兼用異功散
羌活膏温白丸釣藤飲子之類仍頻與粥雖至危

者往往死中得生十救八九沈存中論金液丹見小兒吐利劇氣已細服之得活者數人須多服方驗

錢荳蔻散

治吐瀉煩渴腹脹小便少

舶上硫黃

壹錢 滑石 伍分

丁香

荳蔻

各半

右為細末每服一字至半錢米飲調下無時

張煥勻胃散

治三焦不調停寒膈上乳哺不消胸

膈痞滿甚則喘逆吐利肌體痿黃

甘草

錢

藿香

白荳蔻

人參

各壹兩

木香

乾薑

厚朴

薑炙

丁香

各半兩

右為細末一錢水一小盞薑二片煎六分溫服

王氏治吐逆兼吐利不止

丁香

藿香

木香

硫黃

半兩別研極細

滑石

貳錢研如粉

右為末每服一錢或半錢米飲調下量大小與之如瀉即用附子壹枚重半兩者炮去皮臍為末用生薑汁搗成餅子用白麩裹之慢火煨麩熟去麩不用只將附子切焙再搗羅為末每吐兼瀉即

吐瀉

切斗七

三

入附子末少許如藥三之一更量虛實以米飲調下神驗吐如激水者亦定吐利不止多成慢驚宜速療之如已成慢驚兼金液丹與之

助胃膏 治脾胃虛寒吐瀉等證

人參

白朮

白茯苓

甘草 炙

丁香 各伍錢

砂仁 肆拾箇

木香 叁錢

白荳蔻 拾肆箇

乾山藥 壹兩

肉荳蔻 肆箇

右為末蜜丸芡實大每服十九米飲化下

夏溫屬言白似渴為寒熱雜合病錢氏治法在夏秋

用玉露散益黃散相間服在冬春用益黃散大青膏相間服

補虛四君子湯 治脾氣虛損吐瀉少食

人參

白朮

茯苓

甘草 各等分

右每服二錢薑棗水煎

六君子湯即四君子加陳皮半夏治脾胃氣虛吐瀉不食肌肉消瘦或肺虛痰嗽喘促惡寒或肝虛驚搐目眩自汗諸證並宜服之以滋化源

錢氏異功散 溫中和氣治吐瀉不思乳食凡小兒

吐瀉
虛冷病先與數服以正其氣

人參

茯苓

白朮

甘草

陳皮

一方加水香

右為細末每服二錢水一盞生薑五片棗二枚同

煎海藏云此方四君子湯補脾湯加減法也

愚按前方治脾胃虛弱吐瀉不食或驚搐痰盛或睡而露睛手足指冷或脾肺虛弱咳嗽吐痰或虛熱上攻口舌生瘡弄舌流涎若母有證致兒患此者子母並服之

和劑觀音散 治小兒外感風冷內傷脾胃嘔逆吐

瀉不進乳食久則漸至羸瘦大抵脾虛則瀉胃虛則吐脾胃俱虛則吐瀉不已此藥大能溫養脾胃進美飲食

石蓮肉去心

人參

神麩炒各

茯苓貳錢

甘草炙

木香

綿黃耆炙

白扁豆炒去皮

白朮各壹錢

右剉散每服二錢水一盞棗一枚藿香三葉煎溫服

溫中丸 治小兒瀉白胃寒故也腹痛腸鳴吐酸水不思飲食霍亂吐瀉

吐瀉補虛

切斗七

三三

人參

白朮

甘草各等分

右為末薑汁麩糊丸如菘豆大米飲下二三十九無時

和中散 和胃止吐瀉定煩渴治腹痛

人參

茯苓

白朮

甘草炙

乾葛

黃耆炙

白扁豆炒

藿香各等分

右為細末每服三錢水一盞半棗二枚去核生薑

五片煎八分食前溫服海藏云和中散四君子湯加減法

曾氏和中散附 主久病纒瘡面黃清瘦神昏氣弱

脾胃未實食物過傷停飲生痰留滯中脘耗虛真氣或成吐瀉此藥性味甘平大能調治常服和胃氣進飲食悅顏色理風痰

人參去蘆

白扁豆炒去

白茯苓去皮

川芎

縮砂仁

半夏製

香附子

甘草炙各壹兩

肉豆蔻

訶子去核各柒錢半

右剉每服二錢水一盞薑三片棗一枚煎七分空

心溫服或不拘時

毛彬治胃氣不和吐瀉不止痰逆不食平胃引行諸

藥銀白散

半夏壹兩洗七次

鷲粟米

人參

白扁豆炒

白茯苓

山藥各肆錢

右為細末每服二錢水八分薑二片棗一枚煎六分溫服

東垣人參安胃散脾

除濕胃苓湯治腸胃受濕嘔吐泄瀉

白朮

茯苓

澤瀉

厚朴

豬苓

陳皮

甘草炒各等分

桂少許

右為末每服二錢薑水燈心陳皮煎湯調下若停食吐瀉小便短少腹脹作痛用此以分利之更用六君子湯以調補脾胃

治痰半粟散治小兒脾胃虛寒吐瀉等疾及治寒痰

痰

半夏湯浸切 陳粟米參分陳粳米亦得

右咬咀每服三錢水一大盞半生薑十片同煎至八分食前溫服

白附丸痰涎

白附丸

切廿二

三五

宿食錢氏云吐瀉乳不化傷食也宜下之馮承務子
五歲吐瀉壯熱不思食飲錢氏見目中黑睛少而白
睛多面色眇白曰此子必多病面色眇白者神怯也
黑睛少者腎虛也黑睛屬水本怯而虛故多病也縱
長成必肌膚不壯不奈寒暑易虛易實脾胃亦怯更
不可縱恣酒慾若不保養不過壯年也面上常無精
神光澤者如婦人之失血也今吐利不食壯熱者傷
食也又虛怯不可下下之虛入肺則嗽入心則驚入
脾則瀉入腎則益虛但宜以消積丸磨化之為微有
食也如傷甚則可下不下則成癖也若實食在內亦

可下也下畢補脾必愈隨其虛實無不效者 曾錢
氏曰吐乳瀉黃是傷熱乳吐乳瀉青是傷冷乳皆當
下之此迎奪之法也不若傷熱者用五苓散以導其
逆傷冷者用理中湯以溫其中自然平復 脾經積
滯未除再為飲食所傷不吐則瀉不瀉則吐宜以三
稜散化積守胃散和中
丹小兒吐瀉黃疸

- | | |
|----|----|
| 三稜 | 蓬朮 |
| 青皮 | 神麴 |
| 黃連 | 甘草 |
| | 陳皮 |
| | 麥芽 |
| | 白朮 |

吐瀉宿食 方中 三

茯苓

右為細末生薑燈心湯調服傷乳食吐瀉加山查時氣吐瀉加滑石發熱加薄荷

消積丸 治小兒吐瀉大便酸臭

丁香 玖箇

砂仁 拾貳箇

巴豆 貳箇

烏梅肉 貳箇

右為末麩糊丸棗豆大溫水送下

津液少 豆蔻散治虛寒而渴 本條

白朮散治虛熱而渴

聖惠治渴不止

筍籜

扁豆藤 各半

人參 壹兩

右細剉分六服每水一小盞煎五分不時量分稍

熱服

張渙三和散 治吐利津液燥少

白茯苓 壹兩

烏梅肉 炒乾

乾木瓜

各等分為細末一錢水一小盞煎五分溫時時服

治霍亂煩渴香豆散

藿香

肉豆蔻 各壹兩

白扁豆

人參 各半

甘草 分

為末每一錢水八分盞薑二片煎四分溫服

丁時發人參散 治虛熱及吐利煩渴疎轉後服

人參

茯苓

桔梗

乾葛各半兩

生犀角

甘草各壹分

右為末每服一錢水一中盞燈心煎五分煩渴入
新竹葉量服

心腹痛聖惠兒冷熱不調乳哺不節使陰陽清濁之
氣相干而變亂腸胃間則成霍亂而心腹痛者冷氣
與真氣相擊或上攻心下攻腹故痛
外臺療霍亂心腹刺痛吐利

茯苓

桔梗

人參各陸分

白朮伍分

甘草炙

厚朴各肆分

右切片用水二升煮六合溫服

人參散 治霍亂心腹痛不食

人參

白朮

芎藭

草豆蔻

厚朴薑炙

當歸炒

陳皮去白

丁香

桂心各壹分

右搗羅為散不時薑棗米飲調半錢量服

治霍亂乳食不消腹心滿痛

訶梨勒皮半兩

木香

當歸炒

白朮

藿香

陳皮去白各壹分

吐瀉 八用 七
為細末不時薑湯調半錢量服

肉豆蔻散 治霍亂吐瀉腹痛

肉豆蔻

桂心各壹分

人參去蘆

甘草炙各半兩

右為麤末每服一錢水一小盞薑少許煎五分不時量兒大小分減溫服

禁忌鄭氏云小兒吐瀉因外傷風冷內傷乳食或兒啼未定氣息未調以乳飼之氣逆於上則停滯胸膈致令嘔吐氣逆於下則傷脾胃致令泄瀉上下氣逆吐瀉俱作凡小兒只吐不瀉者逆其吐必有痰發驚

者十無一生若只瀉不吐或吐瀉俱發者日久不退亦變陰癘治之當暫斷其乳輕者週時重者三日宜頻與稀粥服藥速効十全八九或者不信是言以小兒藉乳為命不肯暫斷然乳固不可斷也殊不知因乳所傷得之者若再以所傷之乳乳之如抱薪救火藥何功之有其間有不斷服藥得安者蓋輕患也亦有因輕致重天橫者多矣 活幼心書云小兒吐瀉不止大要節乳徐徐用藥調治必安節者樽節之義一日但三次或五次每以乳時不可過飽其吐自減及間以稀粥投之亦能和胃屢見不明此理惟欲進

藥以求速効動輒斷乳三四日致餒甚而胃虛啼聲不已反激他證蓋人以食為命孩非乳不活豈容全斷其乳然乳即血也血屬陰其性冷吐多胃弱故節之醫者切須知此乳母亦宜服和氣血調脾胃等藥愚意不若兒大能食者全斷之待其平復兒小不能飲食者但節之可也

吐

嘔吐皆主脾胃古人謂脾虛則嘔胃虛則吐是也嘔者有聲無物吐者有物無聲若手足指熱喜飲熱湯或睡而露睛皆胃氣虛弱也用異功散若手足指熱飲冷或睡不露睛屬胃經實熱也用瀉黃散若作渴少食或小便色赤胃經虛熱也用七味白朮散大凡嬰兒在乳母尤當節飲食若乳母停食亦能致兒吐瀉故不可不慎也 曾論吐之原難以枚舉有冷吐熱吐積吐傷風嗽吐傷乳吐其吐則同其證有異

各述於後。○冷吐乳片不消多吐而少出脉息沉微。面白眼慢氣緩神昏額上汗出此因風寒入胃或食生冷或傷宿乳胃虛不納而出宜溫胃去風除宿冷用當歸散水煨薑陳皮煎服或間投冲和飲理中湯及薑橘湯定吐飲如諸藥不效以參香飲治之。○熱吐面赤唇紅吐次少而出多乳片消而色黃遍體熱甚或因暑氣在胃或食熱物精神不慢而多煩躁此熱吐也宜解熱毒用大順飲溫熟水空心調下片五苓散小柴胡湯並加薑汁緩服及香薷散主之誤服熱藥先投菘豆飲解之次服止吐之劑。○積吐眼胞

浮面微黃足冷肚熱晝輕夜重兒大者脉沉緩此宿冷滯脾故吐黃酸水或有清痰脉實而滑爲食積所傷吐酸醜氣或宿食併出兒小者呢乳不化是也先用五苓散薑汁溫湯調下和解次以烏犀丸主之最。小者投三稜散化癖丸。○傷風嗽吐有熱生風有風生痰痰結胸中肺氣不順連嗽不止和痰吐出此爲嗽吐痰壅而作乃爲實證宜去風化痰先投清肺飲次小柴胡湯爲治若嗽久而肺虛土不生金故面白唇燥乾嗽乾嘔而無痰可溫補爲上用茯苓厚朴湯惺惺散如意膏爲治。○傷乳吐纔乳哺後卽吐或少

停而吐此因乳飲無度脾氣弱不能運化故有此證
譬如小器盛物滿則溢治法宜節乳投三稜散此
外又有風痰吐乃是傷風不解吐乳夾痰若多時必
要生風宜服青州白丸子半夏散疎風下痰之劑皆
可服之 毒氣吐出巢氏病源 挾驚吐張煥三香
丹之類 疳積吐出本事方 凡霍亂吐不止者伏
龍肝細末貳錢以蘆稷米炒黃煎湯調下立止或用
白扁豆炒過煎湯調下亦好若白扁豆嫩苗更好
寒吐湯 小兒寒吐者由乳母當風取涼解脫致令風
冷入乳變敗兒若飲之故嘔吐也乳母當食後捏去

舊宿敗乳急服理中湯次用釀乳法其候是寒清痰
夾乳吐出是也凡有此候服藥不効胃氣將絕藥不
能下當服靈砂丸如大便通宜來復丹一藥常用驗
詳寒吐之證面目脹額汗出脉沉遲微寒氣停於
胃故胃不納而吐出也噦逆者由胃氣虛甚過服剋
伐使清氣不升濁氣不降以致氣不宣通而作也風
寒在胃者用理中丸胃氣虛者六君子湯風涼所致
者宜捏去敗乳急服理中丸次服釀乳法若嘔吐清
涎夾乳小便清利用大安丸若因乳母食厚味用東
垣清胃散若乳母飲醇酒用葛花解醒湯飲燒酒服

冷米醋三五杯乳母食生冷而致者用五味異功散
乳母停食者母服大安丸子服異功散乳母勞役者
子母俱服補中益氣湯乳母怒動肝火者用加味道
遙散乳母鬱怒傷脾者用歸脾湯乳母脾虛血弱者
用六君芍歸其子亦服三五滴氣血虛而乳熱者子
母俱服八珍散仍參熱吐霍亂治之

世萬安膏 治小兒脾胃虛弱腹生疳蟲癥瘕食積
泄瀉常服消疳去積助胃氣和中疎氣滯

人參 厚朴薑製 陳皮
青皮 肉桂夏不用 乾薑各壹兩

木香 沉香 藿香

甘草各半兩 史君子炮拾筒 澤瀉冬不用春秋減半用

右為末煉蜜丸如芡實大食前米飲化下如熟薄
荷湯下 一方無木香沉香藿香青皮四君子有

白木蒼木茯苓豬苓

朱沉丹 治小兒嘔吐不止

朱砂貳錢 沉香貳錢 藿香叁錢
滑石半兩 丁香拾肆粒

右為細末每服半錢用新汲水一盞芝蔴油滴成
花子抄藥在上須臾墜濾去水却用別水空心送

下

定吐紫金核 治小兒一切嘔吐不止

半夏湯洗七下 次薑製

人參

白朮

木香

丁香

藿香各貳錢半

右為細末稀麪糊為丸如李核大後用沉香壹錢為末朱砂壹錢水飛二味同研勻為衣陰乾每服一丸用小棗壹枚去核納藥在內濕紙裏燒熟嚼與小兒服後以米飲壓之

香銀丸 治吐

丁香

乾葛各壹錢

半夏湯浸切焙

水銀各半兩

右上一三味同為細末將水銀與藥研勻生薑汁丸如麻子大每服一二丸至五七丸煎金銀花湯下無時

本事白朮散 治小兒吐嘔脈遲細有寒

白朮

人參

半夏各貳錢

茯苓

乾薑

甘草各壹錢

右為末每服二錢水一盞薑三片棗一枚煎七分去渣溫服日二三 一方無半夏麪有木香藿香薑橘湯 治脾慢胃冷嘔吐不止

上卷

四十二

四十四

白薑貳錢

陳橘皮去白壹兩

粉草炙叁錢

右件剉焙為末每服半錢或一錢用溫棗湯調化空心少與緩服

定吐飲 治吐逆投諸藥不止用此神效

半夏

湯洗七遍焙乾剉如菴豆大節去細末貳兩

生薑乾淨和皮貳兩

薄桂

去麋皮剉叁錢

右生薑切作小方塊菴豆大同前半夏和勻入小鑊內慢火順手炒令香熟帶乾左下桂再炒勻微有香氣以皮紙攤盛地上出火毒候冷略搗去黑焦末每服一錢水一盞薑二片煎七分稍空心少

與緩服

參香飲 治胃虛作吐投諸藥不止

人參

去蘆壹兩

沉香

丁香

藿香

和梗

南木香

各貳錢半

右剉每服一錢水一盞煎七分去渣臨入薑汁少許作三次空心溫服

熱吐

小兒秋夏伏暑多有熱吐其吐黃涎頭額溫五

心熱小便或赤而少乃熱吐也或乾嘔而無物宜香

藿飲 薛小兒熱吐者因多食甘甜炙煨之物或乳

母膏梁厚味胃經積熱或夏間暑氣內伏於胃所致

若肌肉瞶動煩熱作渴者暑傷胃氣也先用香薷散
次用竹茹湯若吐乳色黃不能受納者胃經有熱也
先用瀉黃散次用人參安胃散若吐出酸穢者乳食
內停也用保和丸吐乳不消者胃氣弱也用異功散
吐而少食腹痛欲按者脾氣虛也用六君子加木香
凡諸證當驗其手指熱則胃熱冷則胃寒熱用瀉黃
散寒用理中湯不熱不寒異功散調之

錢氏玉露散 方見吐瀉

香薷散 治寒溫不適飲食失調或外因風寒暑邪
致吐利心腹疼痛霍亂氣逆發熱頭痛或轉筋拘

急或疼痛嘔噦四肢逆冷

香薷 壹兩

茯苓

白扁豆 炒

厚朴 薑汁製 各伍錢

右每服二三錢水煎加酒半杯冷服立効

竹茹湯 治胃受邪熱心煩喜冷嘔吐不止

葛根 半錢

半夏 炮半兩

甘草 炙叁錢

右每服二三錢入竹茹棗許大薑水煎取清汁微

冷細細服加茯苓參錢尤妙

錢氏藿香散 治脾胃虛有熱面赤嘔吐涎嗽及轉

過度者宜服

麥門冬去心焙 半夏炒 甘草各半兩

藿香壹兩用葉 石膏半兩

右為末每服五分至一錢水一盞半煎七分食前温服

本事麥門冬散 治小兒嘔吐脉數有熱

麥門冬 半夏 人參

茯苓各貳錢 甘草壹錢

右為末每服二錢水一盞薑二片煎至五分去渣温服日二三服

湯氏清膈飲子 治小兒伏暑嘔吐

香薷 淡竹葉各壹兩 白茯苓

人參 半夏 檀香

甘草各半兩 白粳米壹合

右吹咀薑煎温服太小加減

聖惠麥門冬散 治嘔吐不止心神煩熱

麥門冬焙 淡竹茹各半兩 甘草炙

人參 茅根 陳皮去白焙

右為麤末每服一錢水一小盞薑少許煎五分稍熱頻服量大小加減

治嘔吐心煩熱蘆根粥

生蘆根 貳兩 粟米 壹合

右用水二大盞煎至一半去滓投米作粥薑蜜少許食

大順飲 解暑毒煩渴吐瀉腹痛發熱神昏或衄血路血及太腑下血小便黃少口乾汗多

細麩 貳拾兩 生薑 拾陸兩 赤茯苓 去皮

粉草 各伍兩

右先以生薑方切如菘豆樣石鉢內杵爛入麩再杵勻攤作薄片烈日中曝乾赤茯苓粉草二味細剉同前薑麩片或曬或焙合研為末每服二錢新

汲井水無時調服或溫熱湯

綠豆飲 解誤服劑熱之毒煩躁悶亂或作吐或狂渴宜先投下次服對證藥劑

綠豆粉 壹兩 淨黃連 乾葛

右除綠豆粉外餘三味共為細末入乳鉢同綠豆粉杵勻每服半錢至一錢溫豉湯調服

益元散 治熱吐面赤氣麤小水短少傷暑作吐尤佳

滑石 六錢 甘草 壹錢

上熱吐

右為細末薑汁調燈心湯下吐甚者并花水下
濟生竹茹湯 治熱吐口渴煩躁

橘紅

乾葛

甘草

麥門冬

竹茹

生薑

右水煎服

熱甚者加薑連

積吐烏犀丸

主諸積滯夾驚夾風溫胃調脾消進

飲食吐逆醋醜氣面黃肌瘦不拘孩兒生後歲月
遠近並宜可投

烏犀

即皂莢剉三寸長皮灰火中見青煙起為度取出地上瓦盤蓋定存性冷用米錢

硫黃

白薑

陳皮

川烏

炮去皮臍各伍錢

巴豆

米拾米粒去殼膜心在油

右硫黃一味先入碾內研細除巴豆外餘四味同
焙為末仍以巴豆薄切在乳鉢內細杵再同前五
味藥末杵勻用粳大米飯包作粽子一太箇小瓦
瓶盛水熟煮候冷取出沙鉢內爛杵細布兜緊捻
出如稠糊安在別器內以藥末亭分同杵細軟丸
粟殼大取諸積每服十五丸或五丸或二十一丸
至三十三丸並用淡薑湯泡冷飯取汁一小盞五
更初空心送下通利三五行以勻氣散止補治積
吐有醋醜氣每服三丸至五丸用淡薑湯入米醋

少許候温空心投下

傷風嘔吐茯苓厚朴湯 主傷寒傷風夾痰嘔逆并

吐瀉後喉涎牽響飲食減少脾胃氣虛

白茯苓 去皮

半夏 湯煮透濾仍到

甘草 叁錢

厚朴 伍錢去麤皮剉碎每斤用生薑壹斤切薄片杵爛拌

勻浸一宿慢火炒乾用

右件咬咀每服二錢水一盞半薑三片煎七分無時服或加棗一枚去核同煎

傷乳吐乳下嬰兒乳哺太過或兒睡着而更銜乳豈有厭足以致脾不能運胃不能受滿而溢故令嘔吐

長此不已遂致慢驚可不慎乎此候但令節乳為上甚者宜暫斷乳先令乳母服調氣之劑兒服消乳丸化乳消食為上若吐自口角出即是乳多不能消化滿溢之證非病也不可妄投它治吐藥。凡吐乳直出而不停留者謂之哕乳但以炒麥芽叁錢橘紅壹錢丁香叁分水煎服之立止消乳丸 温中快膈止嘔吐消乳食脉沉者傷食不化故也

香附子 兩 炒貳

甘草 炙

陳皮 去白各半兩

縮砂仁

神麴 炒

麥蘖 炒各壹兩

右為末泡雪糕圓如黍米大七歲以上菘豆大三
十丸食後薑湯下

消食丸 治小兒乳哺飲食取冷過度冷氣積於脾
胃胃為水穀之海脾氣磨而消之胃氣調和則乳
哺消化脾傷於冷則宿食不消此藥寬中快氣消
乳食正顏色

縮砂仁 橘皮 三稜 煨
蓬木 煨 神麴 炒 麥蘖 炒各半兩

香附子 炒壹兩
右為末麴糊丸菘豆大食後紫蘇湯下二十丸

又方 治百晬內嘔吐乳妳或大便青色
用少婦乳汁一盞入丁香拾粒陳皮壹錢磁器內
煮數沸稍熱空心以綿球吮服

風痰吐 青州白丸子 治一切風痰小兒驚風
天南星 生 白附子 生各 川烏頭 生去臍尖皮
半夏 去皮生 參兩 伍錢

右用井花水浸次日早再換新水春五日夏三日
秋七日冬十日曬乾為細末以糯米粉煎粥清為
圓如菘豆大小兒驚風薄荷湯調下和蘇合香圓
服名蘇青圓

半夏散 治小兒胃虛嘔吐水穀不化

半夏 壹兩泡 陳糯米 叁錢

右剉散薑五片棗一枚同煎

錢氏鐵粉丸 治涎盛潮搐吐逆

水銀 貳錢子 朱砂 壹分

天南星 炮去皮臍取 輕粉 貳分

右同研水銀星散盡為度薑汁糊丸如粟米大煎

生薑湯下十五丸至二三十九丸無時

茯苓半夏湯 治諸嘔噦心下堅痞膈間有痰水眩

悸

半夏 伍錢 白茯苓 貳兩

右剉散每服三錢水一盞生薑三片煎去滓熱服

不拘時

二陳湯 治痰飲為患或嘔吐惡心或頭眩心悸或

中脘不快或發為寒熱或因食生冷脾胃不和

半夏 湯洗七次 橘紅 各伍錢 白茯苓 叁錢

甘草 壹錢

右剉散每服三錢水一盞薑三片烏梅一箇同煎

白附飲 治肝風尅脾土痰涎壅盛和飲食吐蓋

風能生痰痰壅其食故吐出

白附子

南星 生用

半夏 生用

川烏 去皮臍 生用

天麻 明亮者

陳皮 去白

南木香

全蠍 去尾 尖毒

僵蠶 去絲

丁香 各貳錢

右件剉每服二錢水一盞半薑三片慢火煎七分作五次空心溫服

毒氣吐 巢氏云春夏以湯與兒腸胃脆弱不勝藥勢

遂吐下不止藥重藏府煩懊頓乏為中毒氣吐下

千金藿香湯 治毒氣吐下腹脹逆害乳哺

藿香 壹兩

生薑 叁兩

青竹茹

甘草 炙各半兩

熱加升麻半兩

右咬咀水一升煮八合服一合日三

王氏消妳毒令兒吃乳無毒有毒亦解

升麻 半兩

大麻子 破壹合

右二味酒浸每白早晨與妳子一盞喫了要乳時須先捏去些小方與兒喫

挾驚吐 張渙三香丹 治挾驚嘔吐不止

藿香葉

丁香 各壹兩

半夏 湯洗七遍 焙乾半兩

三味為末次入

膩粉 壹分

龍腦

麝香 當門子各壹錢並研

右件同拌勻生薑取汁打白芨糊為丸黍米大每服十粒人參薄荷湯下量兒大小加減

殊聖歸命丹 歌曰小兒驚膈吐還頻晝夜連連不暫停淥水槐黃泔淀汁和蟲乳食一時噴丁香研共生犀服五膽牛黃立有勲若有得逢如此藥直饒命困却還寬

丁香

藿香各壹分

生犀末

牛黃各半錢

豬鯽狗蝟熊膽等分共半兩多些無妨

右為末丸如棗豆大量兒大小加減一歲以下煎苦棟湯研二丸

治驚食胃管不快吐逆乳食或心胸發熱定吐丸

丁香

貳拾壹枚為末

蝎梢肆拾玖條

半夏

參箇洗焙乾為末

右研勻煮棗肉丸如黍米大每服七丸至十丸金

銀煎湯吞下如傷暑霍乳吐瀉煎香薷散送下

良方治久患翻胃及小兒驚吐諸吐田季散

上好硫黃半兩水銀壹分研如黑煤色每服三錢生薑四兩取汁酒一盞同薑汁煎熟調藥空心服衣被蓋覆當自足指間汗出迤邐遍身汗徹即差此散極浮難調須先滴少水以指緩緩研殺稍稍增湯使令調和否則浮泛不可服

王氏睡驚丸

治熱化痰鎮心神治驚悸吐逆

半夏薑製

乳香

犀角未各壹錢

右件同為末用生薑自然汁煮麩糊為丸如菜豆大薄荷湯臨臥服

丹萬安膏

調脾順氣定驚脾胃不足吐乳黃疸治

小兒一切等疾

木香

檀香

辰砂各叁錢

沉香貳錢

香附

黃耆

史君子各壹兩

檳榔

肉豆蔻

人參

天竺黃各半兩

白朮

薄荷

甘草各貳兩

琥珀

真珠

青黛

犀角各貳錢半

麝香伍分

右為末煉蜜丸臨臥服薄荷汁或蜜水米飲化下

全蠍觀音散

治吐瀉截風定志庶免傳變慢驚

黃耆炙

人參各貳錢半

木香

炙甘草

蓮肉

扁豆炒

茯苓

白芷

全蠍

羌活

防風

天麻各貳錢

右每服三五錢薑棗煎服

疳積吐本事方治小兒疳積黃瘦吐食

川烏 壹錢 定粉 叁錢 艾灰 貳錢

龍骨 貳錢

右為末滴水丸如龍眼核大捏作餅子每服一餅米飲磨下

補虛安胃六神湯 脾胃虛吐瀉不進飲食

黃耆 扁豆 人參

白朮 茯苓 炙甘草

藿香 各等分

每服三四錢薑棗煎服

和劑觀音散 吐瀉

人參散 治小兒臟腑冷若纔喫乳食即又吐出或

因喫乳驚觸致作驚肘之狀令小兒外證面唇青

白手足心熱口多清涎吐逆不住或作瀉候青黃

紫白兼凍子或如鼻涕雞子清者或乳食不化並

宜服之常服開胃益乳食

人參 白朮 茯苓

沉香 白芍藥 甘草 各半

右為細末以密器收之遇小兒有前項形證半歲一字二三歲半錢大者一錢煎棗子米飲調下或

止補虛安胃

切半二

五二六

陳紫蘇湯亦可或吐瀉并作煎丁香湯下陳皮湯尤妙

雜方經驗方治小兒吐不定

用五倍子貳箇一生一熟甘草一握濕紙裹炮過同搗為末每服米泔調下半錢七瘥

掌中金治小兒喫物喫乳即吐下水乳不得飲食

白豆蔻拾肆箇甘草壹兩半砂仁拾肆箇

右為末逐旋安掌中與他乾噉牙兒乾糝口中亦可

釀乳法治初生嬰兒凡有胎熱證當冷乳母服藥

不可求效之速治法當釀乳令兒喫漸次解之百無一失若遽以冷藥攻之必損脾胃加以嘔吐必成大患

澤瀉貳兩豬苓去黑皮赤茯苓

天花粉各壹兩半乾生地黃貳兩山茵陳用葉

甘草各壹兩

右剉散每服五錢水一盞煎六分食後捏去舊乳却服

錢吐沫及痰或白綠水皆胃虛冷吐稠涎及血皆肺熱吐水不止者屬心痛胃冷吐水心痛者蟲

吐涎
吐水
蟲止

痛 口中吐沫水者後必蟲痛 面皸白無精光口
中氣冷不思食吐水當補脾益黃散主之 丹冬月
吐蛭多是胃虛寒而蟲作吐用錢氏白朮散加丁香
貳粒 亦可用理中湯去甘草加烏梅肉川椒

瀉

曾論瀉之原有冷瀉熱瀉傷食瀉水瀉積瀉驚瀉風
瀉臟寒瀉疳積釀瀉積種種不同各分於後 冷瀉
多是白水瀉密而少腹痛而鳴眉皺目慢面帶白色
額有汗多用冲和飲 慢驚 當歸散 潮熱 合和水煨薑
煎服并守中湯 本條 參苓白朮散 食不乳 益中膏 本條
沉香檳榔丸 食不乳 治之 熱瀉大便黃色如筒吊水
瀉過即止半日復然心煩口渴小便黃少食乳必麤
先用五苓散 驚 或大順飲 吐 次以錢氏白朮散 瀉 主

瀉

初子七

五十一

之香薷散吐瀉亦佳傷食瀉乃脾胃素弱復為生
冷果食所傷故大便不聚而瀉或因乳母餐生冷肥
膩之物自乳而過亦能作瀉面唇俱白瀉稀而少或
如壞雞子腥臭異常身形黃瘦宜先溫正胃氣次理
積而後固脾冲和飲慢驚當歸散潮熱合和水煨薑
棗子煎服理積兒大者烏犀丸吐小者化癖丸癖三
稜散宿食固脾和中散吐瀉醒脾散慢驚水瀉謂之
洞泄乃陰陽不順水穀不分瀉黃水而小便少番次
密而無度是夏秋之際晝則解衣取涼夜則失蓋感
冷冷熱相激清濁渾亂或因母自熱中來乳有熱氣

遽以哺之令兒脾胃不和水穀交雜而下以咬咀五
苓散驚加薏苡仁車前子半夏水薑煎服分正陰陽
或先用大順飲吐溫白湯調下香薷散吐瀉調中止
補錢氏白朮散渴六和湯吐瀉亦好積瀉脾氣虛
弱乳食入胃不能運化積滯日久再為冷食所傷傳
之大腸遂成泄瀉留連不止諸藥無效蓋以積在脾
胃積既未除何由得愈宜先去積後止瀉瀉止實脾
則病除矣三稜散宿食烏犀丸吐續用沉香檳榔丸
不乳參苓白朮散慢驚和中散吐瀉香橘餅本條調
理驚瀉糞青如苔稠若膠粘不可便止但鎮心抑

肝和脾胃消乳食斯為治法先投五苓散驚次用三稜散宿食水薑倉米煎服或三解散潮熱神麴生薑煎湯調服及沉香檳榔丸食不乳不驚丹驚調治風瀉慢驚大病後有之其糞稀黃褐色或夾不消乳食同下此因脾虛所致或夾黑褐色者屬腎蓋脾虛為腎水所乘故也若久不進飲食再有驚搐宜疎腎水去脾風次補脾則自愈庶無復作之患疎腎水吹咀五苓散驚加黑牽牛半生半炒并薏苡仁水薑煎服去脾風瀉黃散脾調脾氣參苓白朮散食不乳臟寒瀉糞如青竹色不稀不稠或下青水未瀉時腹痛而

鳴叫哭方瀉多是生來三五月內有此周歲則無始因斷臍帶短風冷自外逼內而成此疾先用沖和飲慢驚水葱白煎投溫中解表次以當歸散潮熱水煨薑煎服及投勻氣散痢理中湯瀉疳積釀瀉其候面色痿黃肚脹脚弱頭大項小髮稀且堅肌肉消瘦不思飲食晝涼夜熱或腹內有癥癖氣塊瀉則顏色不等其臭異常其瀉有時或一月半月旬日一番自瀉自止名為疳積釀瀉先以當歸散潮熱加三稜陳皮水薑煎服次投烏犀丸吐沉香檳榔丸食不乳及化癖丸癖蘆薈丸疳沒石子丸本條兒最小者難下丸

子止投三稜散宿食快膈湯痞自然痊愈 若瀉或痢色青甚而淡黃夾白寒多熱少此陰邪勝陽宜用守中湯胃苓湯俱本條與服扶表救裏方進當歸散潮熱加陳皮紫蘇水薑糯米煎服亦宜和解理中湯吐瀉清米飲空心調服溫脾去濕益氣清神寒盛者理中湯內加熟附子水薑棗煎服次投南星腹皮飲水薑煎服和脾胃去陰邪 若瀉或泄色青淡而有沫黃稠熱多寒少亦致面黃肌瘦煩躁不寧宜以吡咀五苓散加薏苡仁車前子水薑煎服解散餘邪仍用茵陳蒿梔子仁煎湯調細末五苓散溫服退黃色消

陽毒及當歸散水薑棗煎投或服萬安飲積熱四神丸

養生治大小老虛之人不拘冷熱泄瀉

黃連去鬚

白芍藥並剉

吳茱萸各拾兩

右三味釜內慢火炒赤色放冷杵羅為細末每服三錢七水一盞半煎至八九分去滓空腹食前溫服日三四服小兒量與或以水浸蒸餅丸如桐子大更丸一等如菘豆黃米大小兒每服十五丸至二十九丸溫米飲下若作散以沸湯或溫米飲調下並可服病泄痢之人若不禁生冷魚肉肥膩與不

服藥同 一方有木香無芍藥醋糊丸

茅先生香連丸 治瀉利

木香

黃連 朱萸半兩同於銚內炒

肉豆蔻

訶子 炮去核 阿膠 炒

朱砂 各壹錢

右為細末軟飯為丸如桐子大每服十九十四丸用飯飲吞下兒小碎之

乳香散 治一切瀉痢

乳香

貳錢用荷葉於炭火上炙

肉豆蔻

白薑

甘草

草菓子 各壹兩

右細剉用醋麪裹於熟灰內煨令赤色取出去麪為末入乳香末拌勻每服半錢一錢陳米飯飲調下

冷瀉 醜湯氏云冷瀉者乃脾胃虛寒水穀不化而泄

錢仲陽云小兒不能食乳瀉褐色身冷無陽也當用

益黃散 脾加減治之 大便清白口不煩渴冷積瀉也

理中湯 吐瀉 主之若口鼻吸風寒之氣脾胃受生冷

之食而作者先用理中湯後用異功散命門火衰不

能溫蒸中州之氣故脾胃虛寒者用益黃散及八味

丸 腎 脾胃虛弱者五味異功散 吐瀉 脾氣下陷者補

源
多
七

中益氣湯 虛熱 脾氣虛寒者人參理中湯寒水侮土

者益黃散肝木乘脾者四君柴胡散手足並冷者加

木香乾薑治者蜜之 百問云冷積瀉沒石子丸極

効人參散 吐瀉 理中湯 吐瀉 加減服尤佳更加肉豆寇

則止來復丹 吐瀉 中醫不換金正氣散 吐瀉 皆可觀音散

吐瀉 銀白散加減調治乃平和之劑也

守中湯 理春夏相交陰濕氣重中傷脾胃致腹痛

泄利經久不止漸傳手足浮腫飲食少思

桔梗 去蘆

蒼木 米泔水浸一宿去蘆皮

白薑 肆錢

甘草 陸錢

右件剉焙為末每服一錢空心沸湯調服或咀水煎亦可或用薑棗

沒石子丸 治嬰孩先因冷瀉或作赤白痢候久而

變作諸般異色不止一端外證面或青或白唇舌

乾焦手微冷渾身溫壯肚內刺痛啼叫睡卧不安

若有是候當服

沒石子

木香

黃連

當歸

青皮 各貳錢半

右五味為末阿魏壹分酒半盞浸化入麵少許令勻煮糊為丸如粟米大一歲兒服如椒目大者

寫冷瀉

刀手

六

四五六歲兒服每服五十九赤痢甘草湯下白痢
乾薑湯下或五倍子湯下

張煥川椒丸 治小兒夏傷濕冷入腸胃泄瀉不止

川椒壹兩去閉自雙者非黑者肉豆蔻半兩

右件搗羅為細末粳米飯和圓如黍米大每服十
粒米飲下量兒大小加減

粟煎湯 治腸胃受風冷泄注不止身體壯熱

白木炮 當歸洗焙 川芎

人參去蘆頭 肉桂 芍藥各壹兩

右件搗羅為細末每服一錢水一小盞入生薑三

瀉青 瀉白

片粟米一匙頭許煎至五分粟米熟去滓放溫服

溫中丸 治胃寒瀉白腹痛腸鳴方見吐瀉

孔氏治藏府不調大便青色

白木 人參 茯苓各壹錢

甘草炙半錢

右末一錢水一小盞煎七分溫服

丹溪云瀉青亦是寒宜用蘇合香丸平胃散各等分

蜜湯調服 田氏云便青者因驚風內藏脾氣不和

宜白木湯

張瀉湯氏云小兒熱瀉者大便黃而赤或有沫乃臟

瀉瀉

刀圭

六五

中有積或因乳母好飲酒或嗜熱物或生下傷濕蘊
熱醫者不明但用豆蔻訶子等藥服之如水澆石既
不識其證故不辨其冷熱用藥又不得其法焉能取
効此證當以小便赤少口乾煩躁為驗治法當用錢
氏白朮散湯去木香用之五苓散去桂亦可服其
熱甚者四逆散大柴胡湯俱傷寒去大黃服之殊驗也
更用黃連丸疳等劑亦佳調中湯痢去大黃加黃連
枳殼如夾熱而瀉太陽與少陽合病自下利者與黃
芩湯嘔者加半夏又有挾熱瀉痢而小便秘澀赤甚
者加減四順清涼飲裏熱治之即止 薛氏云右腮

色赤飲冷胃經實熱也用瀉黃散脾惡冷喜熱胃經
虛熱也用白朮散湯右腮及額間俱赤心脾翕熱也
用瀉黃散加炒黑黃連若左頰右腮俱赤肝火乘脾
土也用四君子湯吐瀉加柴胡若兒暴傷乳食用保
和丸宿食乳母尤當忌厚味節飲食若乳母停食所
傷致兒吐瀉等病當治其母大抵始病而熱者邪氣
勝則實也終變為寒者真氣奪則虛也久病而熱者
內真寒而外假熱也久瀉元氣虛寒當參前證治之
黃芩湯 治下利而頭痛曾滿口苦咽乾或往來寒
熱而嘔其脈浮大而弦者或協熱而利者

黃芩 壹兩

芍藥

甘草 各壹兩

右剉散每服三錢棗子一箇水一盞煎七分去滓

溫服嘔者加半夏壹兩貳錢半生薑煎

張煥清胃散 治挾熱泄利

川棟子

黃蘗 微焙

當歸 洗焙

地榆 炙

黃連 去鬚炒

右件搗羅為細末每服一錢水八分煎至四分去

滓溫服乳食前

香蓮丸

黃連 薑汁拌炒貳兩

木香 煨半兩

右為末陳米飯丸棗豆大米飲下一二十九亦可

調六一散

傷食瀉湯氏云凡此瀉不宜便補先用消食藥或用

紫霜丸變蒸取其積盡然後可補經云食瀉重當取

疳虛用補虛治食瀉與香橘餅子加減觀音散調中

湯散以意加減凡傷食瀉難止亦不宜補再傷又瀉

宜節飲食當用進食丸痞取下食積令盡次以錢氏

加減益黃散只一服可止此乃切要治法然後異攻

散四君子湯俱吐瀉調理必取全安有腹中雷鳴下痢

者生薑瀉心湯主之如冷積釀瀉用香朴散止之白

傷食瀉

調六一散

下末

木散以和氣調胃調中散保安丸能止傷食瀉感應
丸沉香煎三稜丸癖積皆可服也 東垣云傷食則
惡食小兒食瀉者因飲食傷脾脾氣不能運故乳
食不化而出若愛臭吞酸胸膈脹滿腹痛按之益痛
者雖作瀉而所停滯之物尚未消也用保和丸腹痛
按之不痛者乳食已消也用異功散脾氣傷而未復
不思飲食者用六君子湯所傷生冷之物及喜熱者
並加木香乾薑乳食已消腹痛已止瀉尚未止者脾
失清升之氣也用補中益氣湯餘有別證當參各門
錢黃承務子二歲病傷食而瀉眾醫與止之十餘

日便青白乳食不消身涼加噤氣昏睡咸謂困篤召
錢錢先與益黃散補肺散各三服三日身溫而不噤
氣後以白餅子微下之又與益脾散三服利止何以
然利木脾虛傷食初不與下之留連十日上實下虛
脾氣弱則引肺亦虛脾肺子母故也今先補脾則肺
病自退即身溫不噤氣也然後下其所傷或曰何不
先下後補曰便青為下臟冷若先下必大虛今先實
脾而後下則不虛矣後更與補之乃安
香橘餅 止積瀉傷冷

木香

青皮

各壹錢

陳皮

貳錢半

厚朴薑汁製

神麩

麥蘖各半

右為末蜜丸為餅紫蘇米飲調下

加減觀音散 止吐瀉截虛風

黃耆

人參各貳錢五分

木香

甘草炙

石蓮去心

扁豆炒

茯苓

白朮

全蝎

羌活各壹錢

防風

天麻各貳錢

右剉散薑棗煎

調中散 治傷食瀉凡此瀉不宜硬補先用食藥或

紫霜丸取其積盡然後可補經云食瀉重當取疴

虛用補虛良醫明妙理何慮疾難除

人參去蘆

白茯苓

白朮

木香

乾薑炮

藿香葉

香附子炒去毛

縮砂仁

甘草炙

丁香各等分

右為末每服一錢薑棗湯調下肚痛白湯下量天

小加減

生薑瀉心湯 治傷寒汗出解後胃中不和心下痞

硬脇下有水氣腹中雷鳴下利者

黃芩

甘草炙

人參各壹兩半

乾薑炮

黃連各半

半夏壹兩壹錢湯泡

右剉散每服三錢水一盞生薑三片棗一枚煎七分去滓溫服

保安丸

治小兒瀉瀉傷食瀉

香附子淨

砂仁各壹兩

白薑炮

青皮去穢

陳皮去白

三稜炮

莪朮炮

甘草各半兩

右為末麥蘖麩糊丸菉豆大每服三九白湯下食前溫服

杏霜丸

治小兒食積作瀉并痢證

杏仁叁兩去皮尖焚炒

巴豆壹兩去殼油炒焦却入杏仁同炒

黃蠟貳兩酒煮綿濾

百草霜炒為末陸錢炒勻

右將杏仁巴豆研極細却入草霜令勻鎔蠟和丸

如菉豆大赤痢甘草湯白痢生薑湯先進三四服

腹脹者十餘服効驗如神

醫局開胃丸

治小兒府藏怯弱內受風冷腹脇脹

滿腸鳴泄利或青或白乳食不化又治藏冷夜啼

胎寒腹痛

木香

蓬莪朮

白朮

人參去蘆頭

當歸剉微炒各半兩

麝香細研

白芍藥各壹分

右件搗羅為末都研令勻湯浸炊餅和丸如黍米大每服十五丸温米飲下新生兒腹痛夜啼可服五丸並乳食前服

水瀉 聖惠厚朴散 治小兒脾胃不和洞瀉下利不

正羸瘦食少

厚朴去麤皮塗生薑汁炙令香熟

訶梨勒煨用皮

地榆微炙剉各壹分

肉豆蔻壹枚去殼

白木

甘草炙微剉

乾薑炮裂剉各半

人參去蘆頭

黃連去鬚微炒

乾薑炮裂剉各半

右件搗細羅為散每服以粥飲調下半錢日三四服量兒大小以意加減

張渙厚朴散 治洞泄注下

厚朴生薑汁製

白木

訶梨勒炮取皮

肉豆蔻各壹兩

右件搗羅為細末每服一錢水八分盞入生薑粟米各少許煎五分去滓温服

萬全龍骨丸 治小兒冷熱不調時有洞泄下利不正

龍骨

黃連

白石脂

白礬

燒令汁盡

乾薑

炮

木香

各半兩

右件藥搗羅為末醋煮麩糊為丸如麻子大每服以粥飲下五九日三四服量兒大小加減服之

劉氏小兒水瀉注下

黃連

石蓮

各等分炒黃色

右為末每服半錢水瀉新汲水調下白瀉粟米飲下

積瀉香橈餅

治嬰孩過傷乳食或吐或瀉及病後虛中感積成痢氣弱神昏面黃目慢

南木香

陳橘皮

去白

青皮

去白各貳錢半

厚朴

去麩皮薑縮砂仁

神麩

濕紙裹炮

麥芽

淨洗焙乾各伍錢

三稜

炮剉

右木香不過火餘七味剉焙仍同木香研為細末煉蜜作餅子如芡實大每服一餅至三餅用棗湯化開空心溫投米清湯亦可

驚瀉仲陽云慢驚病後或吐瀉胃虛或氣弱因驚眼

白如淡墨下糞青黃此瀉合溫補至聖保命丹釣藤

飲夜啼主之或乳隨糞下消乳丸吐進食丸吞主之

或微渴心脾喘燥狂熱此瀉尤難治辰砂五苓散驚

主之冷者定命飲子治之後與溫驚朱君散睡驚太

乙丹 譚小兒驚瀉者肝主驚肝木也盛則必傳尅於脾脾土既衰則乳食不化水道不調故泄瀉色青或兼發搐者蓋青乃肝之色搐乃肝之證也亦有因乳母脾虛受驚及怒動肝火而致者經曰怒則氣逆甚則嘔血及殮泄法當平肝補脾慎勿用峻攻之藥脾氣益虛肝邪彌甚甚至抽搐反張者亦肝火熾盛中州虧損之變證也凡見驚證即宜用四君六君異功散等方加白附子定風柴胡平肝引經以杜漸則必不至瀉搐而自安矣今已見瀉吐驚搐尚不知補脾平肝以保命抱龍鎮驚等藥治之其亦去生遠矣

至聖保命丹 治小兒胎驚內釣腹肚緊硬眠睡不安夜多啼哭及治急慢驚風眼自上視手足抽掣不省人事悉皆主之冷證用此

全蝎 拾肆箇 去毒

防風

僵蠶 炒去絲嘴

南星 炮

天麻 各貳錢

白附子

麝香 伍分

金箔 拾片

蟬蛻 洗

朱砂 各壹錢

有熱證加牛黃腦子硼砂

右為末粳米糊丸每兩作四十九丸常服鎮心安神化痰除一切驚風諸證湯臨時換一方加入參白茯苓貳錢

定命飲子 治慢驚吐瀉困重欲傳慢脾通用

半夏生揀實 茯苓 木香

老生薑切片乾 白朮 甘草炙各

天麻貳錢 右剉散每服二錢薑棗湯調下

朱君散 治吐瀉後有此證并糞青者宜服之

人參 白朮 茯苓

甘草 辰砂 麝香

燈心 鈞藤

右為末每服一錢用白湯調下

睡驚太乙丹 常服安神鎮驚止夜啼糞青

桔梗壹兩 藿香葉 白扁豆炒各

白芷叁錢 川芎貳錢 右為末煉蜜丸如芡實大辰砂麝香為衣每服半

丸薄荷湯磨下正糞色棗湯下夜啼燈心鈞藤湯

磨下加白朮茯苓白芍藥尤妙

四神丸 治脾虛胃弱大便不實飲食不思或泄痢

腹痛

肉豆蔻 五味子各貳 補骨脂肆兩

吳茱萸壹兩

寫驚風 勿斗七 七

右為細末用紅棗六十五枚生薑六兩用水二鍾
煮乾取棗肉和丸如桐子大每服五六十丸白湯
送下或化服

二神丸

補骨脂肆兩

肉豆蔻貳兩

右為末用紅棗四十九枚生薑四兩用水一鍾煮
乾取棗肉和丸如桐子大每服二三十丸白滾湯
下

疳積藥

沒石子丸

治久患疳痢及釀瀉

沒石子貳枚

南木香濕紙包

淨黃連剉碎薑汁炒各

貳錢

肉豆蔻貳枚

訶子肆枚炮

右剉焙成末如烏犀丸內製飯糊為丸粟穀大每
服十九至三十九或五十九溫白湯空心下或米
清湯下

巢氏

小兒卒利者由腸胃虛暴為冷熱之氣所
傷而為卒利熱則色黃赤冷則色青白若冷熱相交
則變為赤白滯利也

聖惠胡黃連散 治小兒冷熱氣不和忽暴下利腹
內疼痛

胡黃連

母丁香

桂心

木香

麝香

細研各壹分

犀角

屑半

肉豆蔻

土去殼

當歸

剉微炒

右件藥搗細羅為散每服以粥飲調下半錢日三四服量兒大小加減

龍骨散 治小兒暴利

龍骨

黃連

去鬚微炒各壹兩

當歸

剉微炒

枳殼

麩炒微黃去瓢各半兩

右件藥搗麤羅為散每服一錢以水一小盞煎至五分去滓不計時候量兒大小加減溫服
張渙阿膠丹 治泄利身熱及暴瀉注下

真阿膠

炙熟

乾薑

各壹兩

芍藥

當歸

洗焙乾

川黃連

肉豆蔻

各半兩

右件搗羅為細末鍊蜜和丸如黍米大每服十粒粟米飲下量兒大小加減

神仙玉粉丹

補一切虛不熱男婦小兒皆可服冷積暴瀉見功尤速

精明船上硫黃

壹兩去砂石盡打碎

右用積豬肚七箇旋採桑根白皮三斤寸剉將豬肚一箇淨洗以硫黃實之用麻線縫合水二斗先將桑根白皮一斤同煮一伏時其餘諸肚亦用慢

火養之不得令冷候煮滿一伏時別以豬肚換之
又用白皮內一斤同煮再一伏時又換豬肚并桑
白皮過三伏時不換白皮只換豬肚共煮七伏時
水耗以熱湯添不得用冷水候滿七伏時取出用
溫水淘淨研至細候烈日中曬極熟再研煮糯米
粉為糊丸如梧桐子大每服空心米飲下十粒至
十五粒大率驅除宿冷其功效無比老人經久可
服

久瀉大法補虛 消積 鳳髓經歌云脾中有積熱
遲留至使終年瀉不休項軟見人多噎氣更兼清水

鼻中流少間有似黃金色若有垂腸更不收形證又
看胸膈上胸前深赤汗如油唇赤生瘡眼脉赤若不
調脾命即休

千金七味散 治利下久不差

黃連 捌分

龍骨

赤石脂

厚朴

烏梅肉 各貳分

甘草 炙壹分

阿膠 炙叁分

右治下篩漿水服二方寸七日二小兒一錢七
華陀治老小下利柴立不能食入口即出命在旦夕
久利神驗方

寫久瀉

方寸

三

黃連末

蜜各半雞子殼許

亂髮灰

白蠟方寸七

醇苦酒

雞子黃壹枚

右六味於銅器中炭火上先內酒蜜蠟雞子黃攪勻乃內黃連末髮灰又攪煎視可取出為丸久困者一日一夜盡之

外臺療久利無間冷熱疳痢悉主之

棗壹枚去核勿令皮破內胡粉令滿於炭火中燒如炭燒器中研之米飲和服一歲以下分服之不過三服差

聖惠治久利赤白漸羸胃虛不食丁香散

丁香

厚朴去麤皮塗生薑汁炙令香熟

黃連去鬚剉

當歸剉微炒

白朮剉微炒

伏龍肝各半兩

赤石脂壹兩

木香壹分

訶梨勒煨用皮

右件藥搗細羅為散每服以粥飲調下半錢日三四服量兒大小加減

聖惠黃連丸治小兒曩利經久不斷增減有時

黃連去鬚微炒

人參去蘆頭

赤石脂

龍骨

甘草炙微赤剉

黃芩

厚朴去麤皮塗生薑汁炙令香熟

白茯苓

枳殼去瓢麩炒微黃各半兩

烏梅肉壹分微炒

右件藥搗羅為末鍊蜜和丸如麻子大每服以粥飲下七九日三四服量兒大小臨時加減

譚氏斗門散 歌曰小兒瀉利甚青黃久患時多轉滑腸下部脫肛頻努嘔朝朝焦瘦漸羸疳

訶子

枳殼

地榆各等分

右為末每服一錢米飲調下一歲以下半錢

嬰孺龍骨湯 治下利不住

龍骨

甘草炙

黃連各肆分

當歸

乾薑各壹分

右以水四升煮一升二合食前溫分三服

龍骨湯 治服藥下後不止

龍骨

伍分

甘草炙

乾薑

當歸

黃連

赤石脂

附子

炮裂去皮臍

前胡

各叁分

右以水四升煮一升二合為五服旦服至午令盡

黃連煎 治冷熱利經時不止體羸不堪餘治差而

又發用好黃連貳兩水七升蜜八合煎一升三合

絞去滓百日兒服半合二百日一歲服一合

雞骨丸 治下利經久不斷羸瘦脾胃冷弱食不消

化

雞骨

宿雞雞胸骨及助骨全用壹具

黃連

陸分

厚朴

叁分

神麴

炒

甘草

炙

白朮

各肆分

麥蘖

炒

烏梅肉

各貳分

人參

赤石脂

黃芩

白龍骨

各伍分

桔梗

貳分

右為末蜜丸小豆大白飲下二十五丸日二服量

兒大小與之

溫白丸

治久瀉脾虛不食食即瀉下米穀不化

白朮

壹分米泔浸切焙

丁香

半錢

半夏

壹錢半湯泡洗七遍

右為末生薑自然汁煮麵糊為丸如梧桐子大半

歲每服三九三五歲五七九淡生薑湯吞下早晚

各進一服

惺惺散

治久瀉脾困不思乳食恐作脾風

天麻

全蝎

炒各半錢

木香

炮

糯米

人參

茯苓

各微炒

白扁豆

山藥

炒

甘草

各壹錢

右為末每服嬰孺一字二三歲半錢用水一藥注

或半銀盞棗子半片煎十數沸服

張煥治瀉利久不差香礬丹

寫久瀉

刀

三

木香

枯白礬各壹兩

訶梨勒皮微炮

酸石榴皮炒黑各半兩

右件搗羅為細末，鍊蜜和丸，如黍米大，每服十粒，粥飲下，量兒大小加減。

劉氏治小兒藏府久泄瀉不止

人參

白朮

茯苓

甘草

陳皮

藿香

丁香

木香

肉豆蔻

右等分為末，每服一錢，以藿香合糯米煮粥飲，調下，或薑水煎亦可。

臟腑滑泄四君子加訶子伍分米飲調下

養瀉

醫書謂之

錢食不消脾胃冷故不能消化當補

脾益黃散主之

潔乳食不消初病忽然氣出冷四

肢亦冷面白無光澤精神不定此乃胃氣不和可以

太溫藥治之史君子丸益黃散主之若病泄瀉日

久不瘥乳食不化是脾胃有風冷先服益黃散二服

後用宣風散導之胃宜再補宜參大科養瀉門用

之

聖惠厚朴散 治小兒水穀利羸瘦面黃不欲飲食

厚朴

去麤皮塗生薑汁炙令香熟

龍骨

馬又瀉

切

黃連去鬚微炒丁香

木香各半兩白朮

當歸炒微

肉豆蔻各壹分

右件藥搗細羅為散每服以粥飲調下半錢日三四服量兒大小加減

地榆散 治水穀利日夜不止

地榆微炙厚朴去麁皮塗生薑汁

黃連壹兩去鬚微炒阿膠半兩搗碎

右件藥搗細羅為散不計時候以粥飲調下半錢量大小加減

醫局胃風湯 治風冷乘虛入客腸胃水穀不化泄

瀉注下腹脇滿腸鳴疴痛及腸胃濕毒下如豆汁或下瘀血日夜無度並宜服之

人參去蘆白茯苓去皮芎藭

桂皮去麁皮當歸去苗白芍藥

白朮各等分

右為麤散每服二錢以水一大盞入粟米百粒同煎七分去滓稍熱服空心食前小兒量減

小兒大便青瓣飧泄脉大手足寒難已脉小手足温易已

白芍藥
白茯苓
白朮
白術
白芷
白附子
白蜜
白蠟
白膠
白燕
白燕窩
白燕屎
白燕泥
白燕粉
白燕膏
白燕糖
白燕油
白燕酒
白燕茶
白燕餅
白燕丹
白燕散
白燕丸
白燕膏
白燕糖
白燕油
白燕酒
白燕茶
白燕餅
白燕丹
白燕散
白燕丸

白芍藥
白茯苓
白朮
白術
白芷
白附子
白蜜
白蠟
白膠
白燕
白燕窩
白燕屎
白燕泥
白燕粉
白燕膏
白燕糖
白燕油
白燕酒
白燕茶
白燕餅
白燕丹
白燕散
白燕丸

